

Æ T H I O P I A I N F E R I O R.

taneus Mozambicæ mercium habet proxeneta  
tam aut pararium; qui, quod hic reperitur au-  
rum colligat. Non longe hinc fodina est Mo-  
nomotapæ, ubi magna auri vis habetur, nec  
non auri species, pulveris instar exigui, sed  
optimi purissimique. Bis terve quotannis Dux  
Mozambicensis eo cymbulas mittit, *Pangao*  
dictas, quæ littus legunt, & aurum Mozambi-  
cam devehunt. Cymbulas istas ex lignis confi-  
ciunt, funibus valide & affabre nexit absque  
clavis.

Zangue-  
bar.

Zanguebar à Mozambica Boream versus ex-  
tenditur, ad fluvium usque Quilimanci, com-  
prehenditque regna Mozambicæ, Quiloæ,  
Mombacæ, & Melindæ. Multis in locis regio  
paludosa est & sylvis confita. Populi itidem ni-  
gri sunt & crispi, ad superstitionem usque reli-  
giosi, vaticinationibus dediti, & beneficiis,  
quibus hostem interimunt. Ipsa Mozambicæ  
regio litori, marique coextenditur. Dimidio  
à continente milliari insula jacet exigua, olim  
*Parso* dicta, nunc vero à Lusitanis Mozambica.  
Ambitus est dimidii circiter milliaris. A parte  
insulæ Boreali, continentem inter & insulam,  
egregia est maris altitudo, statioque optima &  
fidissima navium. Hic magnæ naves Lusitanorum,  
quas *Caracas* vocant, morari solent, & re-  
fectioni suorum studere, quoties ultro citroque  
in Indiam navigant. Palmas fert nucemque In-  
dicam, etiam mala aurea, citria, & ficus Indi-  
cas. Verum triticum, oryza, pannus è gossi-  
pio textus, aliaque aliunde ex India petuntur,  
& auro, eboreque permutantur. Abundat bo-  
bus, ovibus, capris, gallinis. Oves caudam  
alunt tam luculentam & carnosam, ut pro ar-  
mo ovillo sit. Gallinis non solum plumæ, sed  
& ipsa caro, & ossa, & sanguis nigerrima sunt,  
ut cocta ad nigredinem atramenti accedant,  
optimi tamen & delicioris saporis. Excellit

bonitate inter alias caro suilla, quæ ægris con-  
ceditur, quoties aliorum animalium carnes mi-  
nus salubres judicantur. Arcem hic habent Lu-  
sitani, tum arcendis incolis feris immanibus-  
que, tum tutandis navibus. Aquam dulcem  
in insula non reperias. Ea à continente peti de-  
bet, & cisternis aliisque receptaculis in arce  
custodiri. Ab illa in annum unum & alterum  
prospicere sibi solent.

*Quiloa* eximia quoque est civitas, in insula alia *Quiloa*.  
sita, quæ quanquam aëre fruatur minus bono,  
locoque non fertili, populosa tamen est & ha-  
bitatoribus frequens, ob situm. Olim eam co-  
luerunt Mahumetani, tyranno *Quiloa* subditi.  
Verum à Lusitanis jam capta, quibus 1500  
marcas auri annuas solvit.

*Mombaza* urbem habet cognominem, suam-  
que insulam, nonaginta circiter milliaribus à  
*Quiloa* septentrionem versus positam. Regnum  
itidem Melindæ, ejusdem nominis civitatem  
adspicit sitam ad littus xv à Mombaza milliari-  
bus, ubi naves plurimum è Cambaja, Arabia,  
& mari rubro appellere solent, & ad mercatum  
proficiunt. Primus hic fuit rex, qui Lusitanos  
Indianum petentes perhumaniter sine fraude do-  
loque exceptit, & etiamnum amicitia foederi-  
busque ipfis junctus manet.

*Ajana* à fluvio Quilimanci, ad ostium usque *Ajana*.  
maris rubri exporrigitur. Duo ambitu suo com-  
plectit regna, *Del* & *Ade*. *Del* ab angustiis ma-  
ris rubri, ad usque caput de *Guardafu*, dictum,  
extenditur, pars Africæ orientalior, *Ptolemæo*  
*Aromata* appellata. Præcipue ejus urbes sunt *Zey-*  
*la* & *Barbora*, quo plures se naves ex India, Cam-  
baja, Arabiaque commerciorum causa confe-  
runt. In littore versus austrum, situm est re-  
gnum *Magadexo*, ita à metropoli vocatum,  
cui solum est ferax, portusque plurimi tutissi-  
mique.

